

Sastanak Medjuentitetske Komisije Za Javne Korporacije

Visoki predstavnik Wolfgang Petritsch je ove sedmice predsjedavao prvom ovogodisnjem sastanku Komisije za javne korporacije. Sastanku su prisustvovala oba entitetska premijera, gospoda Bicakcic i Dodik, zamjenik premijera Federacije, gosp. Covic, kao i Paul Monnory, zamjenik Visokog predstavnika za ekonomska pitanja i predsjedavajući Komisije, Karl Knechtel, generalni sekretar Komisije, te predstavnici Svjetske banke.

Cilj sastanka je bio da se ispita preporucljivost i da se, tamo gdje je to moguće, postigne dogovor o uspostavljanju novih javnih korporacija u cetiri sektora javnih usluga koje bi pokrivale cijelu BiH, a od cega bi oba entiteta imala koristiti.

Clanovi Komisije su se slozili da postoji potreba za osnivanjem javne korporacije za cestovnu infrastrukturu BiH, cija bi osnovna funkcija bila razvoj i odrzavanje glavnih evropskih cestovnih koridora koji prolaze kroz BiH. Clanovi Komisije su u nacelu podrzali predlozeni nacrt sporazuma i nalozili zvanicnicima da finaliziraju dokument.

Clanovi Komisije su izrazili jednoglasnu podrsku uspostavljanju javne korporacije za postanske usluge u BiH, i nalozili radnoj grupi koja se bavi pitanjima postanskih usluga da nastavi sa izradom plana za zajednicku postansku javnu korporaciju koja bi pokrivala cijelu BiH.

Takodje je konstatirano da bi javna korporacija koja bi se bavila radio-difuznom infrastrukturom u BiH donijela znacajnu ekonomsku korist. Clanovi Komisije, medjutim, jos uvijek nisu u poziciji da se sloze oko odgovarajuceg modela. Od radne grupe je zatrazeno da nastavi sa razgovorima i analizama,

uključujući i procjene lokacija, te da iznese svoje zaključke u pogledu mogućih institucionalnih rješenja u kontekstu cijele BiH.

Komisija je na kraju razgovarala i o stanju u sektoru snabdijevanja gasom, te se složila da uspostavi radnu grupu koja će razraditi i procijeniti različite institucionalne opcije za cijelo područje BiH, da bi se postigao veći stepen koordinacije, saradnje i transparentnosti u dovodu i distribuciji gasa. Kao osnova će služiti nedavno izradjena studija Svjetske banke o restrukturiranju sektora snabdijevanja gasom.

Na sastanku je postignut značajan napredak u pravcu ostvarivanja veće institucionalne saradnje u sektoru javnih usluga, koja je, kao što je istakao Visoki predstavnik, neophodna u ovoj fazi ekonomskog razvoja i reforme u Bosni i Hercegovini.